

地圖

解題凡地理家以是取徵則謝迂趨捷去僞就正，犧然如辨黑白，其有功於職方亦不淺小。豈特編輯之資云哉？贊成其事者，戶田氏德、海老原儀、中里仲舒、學館下吏岩崎慎成、村井量令、而老侯創始之功爲多云。時文政六龍集昭陽，叶洽秋九月，樞宇林鯤撰。

〔日本書紀天武十九〕十年八月丙戌，遣多禰島使人等貢多禰國圖。十三年閏四月壬辰，三野王等進信濃國之圖。

〔續日本紀聖武三〕天平十年八月辛卯，令天下諸國造國郡圖進。

〔日本後紀桓武〕延曆十五年八月己卯，是日勅諸國地圖，事迹疎略，加以年序已久，文字闕逸，宜更令作之。夫郡國驛邑，騎道遠近，名山大川，形體廣狹，具錄無漏焉。

〔好古小錄上書畫〕輿地圖鋪

下鳴社所傳ニシテ梨木三位祐之摸本也。延曆二十四年改定ノ圖ト云。古年代記ニ所載ノ圖ト大同小異ナリ。

〔類聚三代格七〕太政官符

禁制國司任意造館事

右太政官去四月廿六日下五畿內諸國符稱，檢天平十年五月廿八日格稱，國司任意改造館舍，儻有一人病死，諱惡不肯居住，自今以後不得除載國圖。進上之外，輒擅移造。

弘仁五年六月廿三日

〔扶桑略記二十〕仁和三年十一月二日，伊豆國獻新生島圖一張，見其畫中神明放火以潮所燒，則如銀岳，其頂有綠雲之氣，細事在圖中不更記之。

〔西宮記臨時五行幸略中〕圖書持地圖，造酒橫甕入酒負馬。

王卿裝束如常，○中略，中圖書持地圖，造酒橫甕入酒負馬。